

《中國地方藝文薈萃》編委會 編

中國地方藝文薈萃

學苑出版社

華東卷·第八輯

華東卷·第八輯  
肆

中國地方藝文薈萃

《中國地方藝文薈萃》編委會 編

貴州師範學院內部使用



金陵詩徵四十四卷（三）

貴州师范学院内部使用

金陵詩徵四十四卷（三）

（清）朱緒曾輯

據清光緒十八年（一八九二）刻本影印

金陵詩徵卷十六

上元朱緒曾編

明六

吳文度

文度字憲之一字交石江甯人成化壬辰進士龍泉知縣歷至南戶部尚書致仕有交石類稿明史有傳

交石尚書少與兄文威同茹苦力學所至有政聲敏捷見事當幾輒發其請老歸也田宅無所增視諸猶子無異己出與故舊處猶布衣也王丹邱曰尚書為南御史大夫所居北門橋嘗於橋上遇其兄躡躡步行即下輿扶攜而歸上有姊老而寡居尚書之家亦能詩文或來詣尚書者值其他出輒請老姊見與議論問近日有何篇什供茗而去顧文莊公云周尚書金父衛軍也家于交石之側開小酒舍尚書十許歲赴塾師學過交石之門目而器之一日召飲坐上有稿杏交石出對句云緣荷方得藕周應贊曰有杏不須梅因許妻以女告夫人曰此子名位當勝我復為次女擇婿見金公清童年不凡與夫人言之夫人試

寺敬上

一

言得一二  
之日汗血名駒起足已存千里志金應聲日圓吮仙  
鶴擡頭使徹九臯聲夫人喜許字焉亦爲名御史

貞孝處士鄭仲宗輓詩

名洧浦江人

白麟溪水清且長金沙浴日生輝光靈源發自金華洞洞口  
不知幾千里四時流出桃花香中有隱君住其上十世同居  
興禮讓義風傳自盛宋間數百年來著聲望一門孝友心相  
承淵源慶澤綿芳馨累朝雨露並旌典山川草木增光榮允  
初先生紹清白粹質殊祥已奇絕生來懶曳王門裾寄傲林  
泉挺高節椿庭早歲零秋霜麻衣骨立號穹蒼承顏日侍北  
堂側寸心思養那能忘素志由來邁先烈舉廢修頽振基業  
卹匱時分廣受金葬貧不吝純仁麥嗟哉善行富良圖圓規  
方矩鄉之模咸謂駢駢享諸福天不慙遺中道殂豐碑立近  
南山表一點文星射清曉松梧影裏春雲寒烏鳥聲中山月

杏橋門有子將登庸焚黃指日垂幽宮行看太史采遺逸香  
名直與白麟溪水終無窮

遊上方小酌僧舍

上方氣壓湖山勝老我登臨思惘然一鳥影沉秋水外千峯  
勢斷夕陽前青尊白髮酬今日畫舫朱簾記昔年獨倚危闌  
重弔古荒臺樵唱起村烟

王朴

朴字素庵上元人御史浩之從弟成化甲午舉人

素庵

祖一甫父崑字渤源素庵性情恬淡不事奔競娶成  
化五年進士鄧刺史存德字新之之女葬石柱李年  
五十三子  
觀字閱卿

南墅

忽聞簷外喚提壺料得前村酒可沽卻憶踏青鞋屢破呼童

依樣削椽欄

姚黼

黼字大用上元人成化甲午舉人官知府有休齋集

居官勤廉者學好古詩文並擅勝場

鳳臺別墅

雅慕三休向草萊卜居近傍鳳凰臺花深門徑人稀到簾捲  
春風燕自來謝傅襟懷常對奕陶公事業只銜杯眼前且盡  
江南景二水東流去不同

陳榮

榮字仲仕上元人成化甲午舉人仁和知縣

顧東橋作墓誌

銘云仲仕其先栝蒼人祖集以閩右實京師仲仕官  
仁和令歲旱請減民租什五監司日二亦足矣公日  
災應如此奈何厲民以豐國乎卒守前議方冬發民  
築海隄民多凍死公日邀遠利以蹙近害民何以堪

遂罷役有權當至修梵教謬聲張為侵斂公執義辯  
折竟免濫耗毀尼舍增飾學宮建社學十許所上御  
史吳公一貫十二事日愛民力正風俗崇節義戒侈  
靡惠夏善屏豪惡育人材厚養倫橫刑罰長仁愛謹  
出納清罔固吳公薦之銓司忘者中以飛語遂去官  
正德庚辰辛墓在李家庫山之陽長子府正德庚辰  
進士初宰肥鄉改清江罷歸復宰永豐官南京陝西  
道御史罷官在南臺持法嚴峻不獲于鄉人值主者  
怒臺屬遂劾罷之杜門謝客能詩文工筆札曉音律  
多能性好潔與人寡合次子庭女適刑部左侍郎朱  
銓孫雲

### 過臨平

龍骨聲聲踏水車  
農田龜坼聽咨嗟  
前山忽送皇亭雨  
一路

紅香溼藕花

繆 楞

楞字全之溧水人成化乙未進士授東陽知縣擢南

京陝西道監察御史論中官蔣琮不法忤汪直謫莒

寺教士

三

州崇祀鄉賢

貞義女祠

戰國清風起浣紗飛鳥擲兔幾年華名留越絕碑無恙骨洗  
江流玉不瑕華表月明歸夜鶴荒祠日落弔昏鴉劫來幾度  
尋遺跡踏碎平隄十里沙

金章

章字質菴上元人鏤之子成化乙未進士

呂志  
失載

黃梅

知縣擢南京福建道御史

訪丁檜亭遺宅

詩人遺宅傍城隈依舊柴門向水開雙檜吟風作龍嘯何年  
鶴化復歸來

湯鼎

簡字用之一字鐵翁自稱面山居士句容人成化甲午舉人乙未進士授行人陞廣西道監察御史以直言謫官戍甘肅旋放歸崇祀鄉賢並祀忠孝祠明史有傳鐵翁少穎悟府尹張孟弼試一聯云室內焚香烟繞薰爐播白蟒公應聲曰池邊洗硯墨隨流水化烏龍尹大稱賞以女妻之官御史劾萬安宦官李榮蕭敬劉吉等京師號為湯殿虎劉吉嫉魏璋陳璧等疏言公為吉人黨幾不測尚書王恕力救之乃謫戍後放還杜門不出簞瓢屢空晏如也

### 遊茅山

坐看瀑布似垂虹洗盡塵心眼界空欲訪茅君問消息惟聞鐘磬出雲中

### 董宣

宣字繼善上元人成化乙未舉人青田教諭改王府

講讀有青田雜錄

繼善性至孝迎母于官晨起課諸生畢即候于寢門母病侍疾嘗藥

衣不解帶母卒泣絕而復甦者  
數次邵守及諸生莫不感動

### 盧孝子墓芝圖

天鑒其孝實生靈芝風木之慘莪蔚之思

### 伊乘

乘字德載上元人成化乙酉舉人戊戌進士官南刑

部主事進員外郎累四川僉事有味淡集劉覺岸存徵錄云自

吳縣徒金陵僉事弱冠礪志聞四明楊文懿公達於

易學不遠千里從之官僉事時分巡邵縣每視學畢

即審獄中冤滯一方稱神拯荒捕盜民賴以安年未

五十以親老乞歸養家居二十年未嘗謁府縣閉戶

遠俗至老好學不倦子伯熊正德丁卯舉人府同知

孫敏生嘉靖壬辰進士曾孫在廷嘉靖乙丑會魁員

外郎按邑志伯熊弟伯羔正德辛巳年貢官教諭又  
敏生字子蒙正德己丑進士官知縣與存徵錄小異  
居評事街錢穀續吳  
都文粹多載其詩  
長洲王鈞寓圃雜記金陵伊氏家豐裕人亦謹厚仁  
宗在青宮屢取給于其家伊氏絕口不與人言登極

後卽擢其子恆爲營繕所官仁宗上仙張太后追思  
其事遂進爲尙寶少卿官雖五品最爲近侍非勳舊  
之子不  
得居也

### 遊靈岩

未愜登臨趣兼懷悵望心洞遊環珮遠寺掩薜蘿深吳越有  
興廢湖山自古今松風臺上起猶似韻清琴

### 登天平山

幾度天平遊未登最上頭一身初辭宦海內兩腳再與山靈  
謀吳中自昔稱山水奇峯併在茲山裏朶朶芙蓉秋岸生亭  
亭鸞鶴晴空峙仰天大放曾襟開何須弔古重興哀石獸荒  
烟臥荆棘龍門白晝藏風雷九十春光正明媚况值太平無  
一事蠟屐追隨麕鹿羣清尊笑傲鶯花醉下山力憊宿禪局  
十年塵夢今始醒山之雲英英山之泉泠泠雲吾可玩兮泉

吾可聽歸來準欲繼幽賞歲晚長鏡尋茯苓鏡一作鏡

茆 欽

欽字宗堯溧水人成化辛卯舉人戊戌進士呂志誤乙未

授行人擢御史出為江西僉事謫淮安通判復四徒

至大理卿攝刑部尙書有鈍翁集宗堯官御史劾閣宦使塞上論邊事

卓然有聲仕至廷尉引年而退嘗賦挽詩寓意或曰公真無愧淵明答云余愧弗及淵明者挂冠晚耳

題三忠祠三首錄一

草廬接語便傾心魚水君臣感惠深一代忠貞歸二表百年興廢負孤吟管蕭事業相前後伊呂聲華共古今功蓋三分今已矣仰瞻遺像欲沾襟諸葛武侯

潘 珩

珩字重玉上元人成化庚子舉人九江同知改南康

復調袁州

重玉父傑景泰癸酉舉人甲戌進士仕至工部郎中重玉少有文名在南康修復自

鹿書院歲飢發粟以濟  
緩急所全活者萬人

種梅

何郎愛詠揚州句比似孤山處士家笑我未能歸舊隱聊從

官閣種梅花

張懋

懋字志仁句容人成化庚子舉人

同邑王珉字宗潤一字拙軒平居克

盡孝友親喪極力營葬一遵家禮弟璿令萍鄉每以清慎勤屬之處鄉里是非不白者必以理論無不信服尤篤于學問好吟詠於地理星命之術亦究心焉年入十膺冠帶以終周剛字南強一字用柔韓府襄陵王選授朝列大夫王府儀賓晚年隱迹深山不入城市有草窗集

義臺秋月

句曲城南有遺跡張氏當年旌義德叢筠泣露秋草荒穹碑

冒雨苔痕蝕時聞灑氣散天香頃見冰輪碾空碧徘徊不覺  
夜已闌遶樹啼鳥聲正急

王 敞

敞字漢英一字竹堂南京錦衣衛人成化庚子舉人  
辛丑進士授刑科給事中出閱松潘轉通政司使晉

兵部左侍郎陞兵部尚書贈蟒玉贈太子太保有王

氏家乘

漢英初授刑科給事中請罷建昌礦夫從之

宴公公

日天子在諒陰吾何忍聽此其君臣相顧愧

歎乃遣

去還朝轉通政置大櫛於後堂親司其鑰陸

兵部左

侍郎進尚書武職黃冊舊藏內府例納賄乃

得對勘

公請騰副本於部提督戎政平甯夏逆黨廢

子錦衣

四川盜起請增諸要地兵備定賞罰格所用

總制及

諸大將皆協時望盜以平年未六十乞歸開

詩社延

故舊歡宴性尤孝友事太夫人盡養與人相

易絕無

崖岸夫人田氏處士仲實之女有賢德顧東

橋為墓

誌長子會出廕錦衣衛百戶先卒次子全孫

鎮曾孫

起宗字振之萬曆十九年廕授漳州府判